

**KOMISIJA ZA TUMAČENJE I PRAĆENJE PRIMJENE
KOLEKTIVNOG UGOVORA ZA SLUŽBENIKE ORGANA UPRAVE I SUDSKE VLASTI
U FEDERACIJI BOSNE I HERCEGOVINE**

Na osnovu člana 71. Kolektivnog ugovora za službenike organa uprave i sudske vlasti u Federaciji Bosne i Hercegovine („Službene novine Federacije BiH“, broj: 98/23), Komisija za tumačenje i praćenje primjene Kolektivnog ugovora za službenike organa uprave i sudske vlasti u Federaciji Bosne i Hercegovine (u daljem tekstu: Komisija), povodom zahtjeva Ministarstva za prostorno uređenje, promet i komunikacije i zaštitu okoline Zeničko-dobojskog kantona od 21.3.2025.godine za tumačenje odredbe člana 35. Kolektivnog ugovora za službenike organa uprave i sudske vlasti u Federaciji Bosne i Hercegovine, na 11. sjednici Komisije održanoj dana 15.04.2025. godine, donosi:

ODLUKU

o tumačenju odredbi člana 35. Kolektivnog ugovora za službenike organa uprave i
sudske vlasti u Federaciji Bosne i Hercegovine

I

Utvrđuje se tumačenje odredbe člana 35. Kolektivnog ugovora za službenike organa uprave i sudske vlasti u Federaciji Bosne i Hercegovine (u daljem tekstu: Kolektivnog ugovora), kako slijedi:

„Jednokratna novčana pomoć za slučaj povrede na radu, teške bolesti invalidnosti državnog službenika se isplaćuje jednokratno u visini 2 prosječne neto plaće isplaćene u Federaciji BiH, te se ne može više puta isplatiti po istom osnovu.“

„Jednokratna novčana pomoć za slučaj povrede na radu, teške bolesti invalidnosti državnog službenika ili člana njegove uže porodice može se isplatiti za dva ili više članova porodice državnog službenika i namještenika.“

II

Ova odluka primjenjuje se na sve organe i institucije iz člana 72. Kolektivnog ugovora, čija je sindikalna organizacija članica reprezentativnog sindikata Samostalnog sindikata državnih službenika i namještenika u organima državne službe, sudskoj vlasti i javnim ustanovama u Federaciji Bosne i Hercegovine (u daljem tekstu: Samostalni sindikat).

III

U skladu sa odredbom člana 71. stav 6. Kolektivnog ugovora, ovu odluku su dužne poštovati sve ugovorne strane ugovora.

IV

Ova odluka će se dostaviti podnosiocu zahtjeva i Samostalnom sindikatu putem Federalnog ministarstva pravde.

OBRAZLOŽENJE

Komisiji je elektronskom poštom dostavljen zahtjev Ministarstva za prostorno uređenje, promet i komunikacije i zaštitu okoline Zeničko-dobojskog kantona od 21.3.2025.godine za tumačenje odredbe člana 35. Kolektivnog ugovora za službenike organa uprave i sudske vlasti u Federaciji Bosne i Hercegovine, u kontekstu davanja mišljenja da li za sve uposlenike koji obole od teške bolesti pripada samo jednokratna pomoć ili se ta pomoć može isplaćivati svake godine po istom osnovu, te da li se u slučaju povrede na radu, teške bolesti i invalidnosti državnog službenika ili namještenika ili člana njegove uže porodice jednokratna novčana pomoć isplaćuje samo jednom članu porodice ukoliko u organu državne službe istog nivoa vlasti rade dva ili više članova porodice.

Odredbom člana 35. stav (1) Kolektivnog ugovora utvrđeno je da u slučaju povrede na radu, teške bolesti i invalidnosti državnog službenika i namještenika ili člana njegove uže porodice isplaćuje se *jednokratna* pomoć u visini od 2 prosječne neto plaće isplaćene u Federaciji BiH prema zadnjem objavljenom statističkom podatku

Odredbom člana 35. stav (2) Kolektivnog ugovora utvrđeno je da se u slučaju smrti državnog službenika, odnosno namještenika, njegovoj porodici se isplaćuju troškovi sahrane u visini 4 prosječne neto plaće isplaćene u FBiH prema zadnjem objavljenom statističkom podatku.

Članom 35. stav (5) Kolektivnog ugovora je utvrđeno da ukoliko u organu državne službe istog nivoa vlasti rade dva ili više članova porodice, troškovi sahrane iz stava (2) se isplaćuju samo jednom zaposlenom članu porodice.

Shodno navedenom, utvrđeno je tumačenje odredbe člana 72. Kolektivnog ugovora, kao u tački 1. ove odluke.

S obzirom da je odredbom člana 72. Kolektivnog ugovora utvrđena primjena istog u odnosu na organe i institucije na koje se ovaj kolektivni ugovor primijenjuje, utvrđeno je kao u tački 2. ove odluke, dok je u tački 3. utvrđeno da su ovu odluku dužne poštovati sve ugovorne strane ugovora, a u skladu sa odredbom člana 71. stav 6. Kolektivnog ugovora.

Ova odluka će se dostaviti podnosiocu zahtjeva i Samostalnom sindikatu putem Federalnog ministarstva pravde, tj. na način kako je utvrđeno tačkom 4. ove odluke.

Broj: 01-714-50/25

Sarajevo, 15. 04. 2025. godine


Članovi Komisije za tumačenje i praćenje primjene Kolektivnog ugovora za službenike organa uprave i sudske vlasti u Federaciji Bosne i Hercegovine




Vedran Škobić



Bojana Todorović



Samir Kurtović



Haris Karačić